



*Sabtu, 29 Mei 2021*  
**Ogen: Job 36:1-4**



**Megiken Alu Saber**



Dibata nepa manusia alu dua cuping dengen saa babah. Duana bagin kula enda erhubungan, babah ngerna cuping megi, cuping ninggelken kai siikataken babah. Emaka megati ikataken 'arus buen tertinggal-tinggel asangken ngeranai,' tapi la sitik turah persoalen i bas kegeluhen enda sabab buen kita ngeranai asangken tertinggal-tinggel, ngantusi kai siikataken temanta ercakup. I bas komunikasi si enda arus seimbang, adina lang, labo sitangaren dengen labo siantusen. Terdauhen, amin nggit pe kita megi-megi kepeken la terjeng megiken saja tapi megiken alu saber, adi saber kita mbages pengangkanta seh maka labo pedas kita ngaloi dengen mereken jabapen.

Bersabarlah sebentar aku akan mengajar engkau karna masih ada yang hendak ku katakan demi Allah. Enda kata si ngajuk kita proses megiken enda pe arus erlajar, labo banci bage-bage saja. Erlajar sinik e me melatih diri gelah terbiasa dengen jadi kalak si sabar. Bagenda me percakapen si jadi i bas kegeluhen si Job, i bas percakapen-percakapenna ras teman-temanna. I bas kecibal si inanamina, ndengkehken alu sabar enda penting kal. Nandai Dibata alu payo la saja arah pengalamen kinitekenta jine tapi pe pengalamen kiniteken kalak sideban. Job nuriken kuga penandaina kerna Dibata sinepa ia e tuhu bujur.

Emaka sanga ia nuri-nuri ipindona kesabaren teman-temanna gelah tuhu-tuhu iangkaina kai siituriken Job. Pengalamen Job enda pe banci jadi pengalamenta i bas ercakup-cakap ras temannta. Adi la sabar i bas megiken kai siikataken temanta banci salah paham kita. Alu bage la saja la sidat maksud ras tujun katana tapi pe turah si la payo i bas percakapen e. Perlu kal hati-hati, apai ka isi percakapen e sipeseh man kalak sideban.

*Sibegi kita iolah otakta seh maka jadi sada pengangkanta baru*